

# SANCTI FULBERTI

## VERSUS

### DE UNCIA ET PARTIBUS EJUS ET DE SCRUPULO.

(Editit Carolus de Villiers, theologus Parisiensis, in notis ad epist. 113 Fulberti, Biblioth. PP. tom. XVIII, pag. 55.)

#### *De uncia et partibus.*

Uncia viginti scirpulos et quatuor ambit :  
Dimidium stater ac semiuncia dicitur ejus;  
Terna duce secla pars est eademque duella;  
Quarta sclus vel sicilicus vel denique sikel :  
Sextula sexta modo solet et modo secla vocari ;  
Octavam appellant draginam.....

#### *De scirpulo et partibus ejus.*

Unus item scirpus calcis componitur octo,  
Dimidium scirpuli est obul, pars quarta cerates ;  
Hinc sextam singi placuit sextamque vocari :  
Ultimus est calcus, ciceris duo granula pensans.

## PROCLAMATIO ANTEQUAM DICANT PAX DOMINI

*Composita a domino FULBERTO pro adversariis Ecclesiae.*

(Dunod, *Histoire de Besançon I, Preuves*, p. viii.)

In spiritu humilitatis et in animo contrito ante sanctum altare tuum et sacratissimum corpus et sanguinem tuum, Domine Jesu, Redemptor mundi, accedimus, et de peccatis nostris, pro quibus juste affligimur, culpabiles coram te nos reddimus. Ad te, Domine Jesu, venimus, ad te prostrati clamamus, quia iniqui et superbi, suisque viribus confisi, undique super nos insurgunt. Terras Sancti Joannis et Sancti Stephani invadunt, deprædantur et vastant. Pauperes tuos cultores earum in dolore et fâne atque nuditate vivere faciunt. Tormentis etiam et gladiis occidunt : nostras etiam res unde vivere debemus in tuo saneto servitio, et quas beatæ animæ huic loco pro salute sua reliquerunt, diripiunt, nobis etiam violenter auferunt. Ecclesia tua haec, Domine, quam priscis temporibus fundasti, et in honore B

A sanctorum Joannis apostoli et Stephani protomartyris tui sublimasti, sedet in tristitia, nec est qui consoletur eam et liberet, nisi tu, Deus noster. Exsurge, Domine Jesu, in adjutorium nostrum, conforta nos et auxiliare nobis. Expugna impugnantes nos. Frange etiam superbiam illorum qui hunc locum et nos affligunt, et afflige cupiunt. Tu scis, Domine, qui sunt illi, et nomina eorum ; corpora et corda, antequam nascerentur, tibi sunt cognita. Quapropter eos, Domine, sicut scis, justifica in virtute tua ; fac eos recognoscere, prout tibi placet, sua malefacta, et libera nos in misericordia tua. Ne despicias nos, Domine, clamantes ad te, sed propter gloriam nominis tui et misericordiam visita nos in pace, et erue nos a praesenti angustia.

# SANCTI FULBERTI

## DIPLOMATA.

nis, clericorum scilicet et monachorum, tam præsentibus quam futuris per ventura tempora succedentibus, qualiter monachus Sancti Martini Majoris Monasterii nostram adierunt presentiam, humiliter deprecantes ut ob amorem Dei omnipotentis et sancte Marie Dei genitricis simulque jam dicitur confessoris Martini, quandam ecclesiam Navoii nominata ad altare sanctæ ac beatissimæ Virginis Marie pertinente, eis emere emptamque possidere in perpetuum concederemus. Quod ita facimus, Hilgodio milite, cui de nostro beneficio pertinere videtur, assensum prebente. Coemunt ergo eam et minimo pretio in posterum sibi vindicant ab Roberto quodam vassallo, et a duobus filiis ejus Arnulfo, et Noberito, et matre eorum; qui eamdem ecclesiam de Walverio filio Gauclini tenent, sub eius jussu et assensu Sancti Martini monachis vendit conditione de reliquo habendam concedunt. Habet itaque..... et tenant, et absque ulla inquietudine alienus episcopi seu alicuius horinoris ab hodierna die et deinceps monachi Deo et sancto Martino inibi famulantes prefatam ecclesiam et quidquid ad eam pertinere videtur, secure teneant atque possideant. Consistit autem hæc ecclesia in pago Vindocinensi haud longe ab ipso castro seposita. Nomina vero testium qui ad hoc audiendum producti fuerunt inferius adnotata continentur: Theodericus capicerius, Sigo præcentor, Hillegarius Pupilla, Giroinus, Rainaldus vicedominus, Girardus Bodellus, Gauslinus.

## II.

*De Jeranivillare per precariam dato Gradulfo militi, et de Palisiaco in recompensatione ab eo dato.*

Ante annum 1024.

[GUERARD, *Documents inédits sur l'hist. de France*, tom. I, pag. 99, du Cartulaire de l'abbaye de Saint-Père de Chartres.]

« In nomine sanctæ et individuæ Trinitatis, Patris videlicet, et Filii, et Spiritus sancti, FULBERTUS, Gratia Dei, Carnotensium episcopus, et abbas Sancti Petri monasterii MAGENARDUS, et congregatio fratrum.

« Notum esse volumus sanctæ Dei Ecclesie fidelibus universis, præsentibus atque futuris, qualiter ante nostram præsentiam veniens miles quidam, nomine Gradulfus, humiliter expetivit ut de quadam terra nostri prædicti monasterii precariam sibi faceremus, et ipse, pro recompensatione, quemdam alodium

A suum delegaret nostris usibus, ea videlicet ratione ut quandiu viverent ipse et uxor ejus, nomine Odæ, in cuius dote est prædictus alodus, utrumque teneant; post decessum vero eorum, utrumque fratribus remaneret. Cujus petitionibus libenter acquievimus, per assensum Odonis comitis, in cuius comitatu sunt utræque terræ de quibus est sermo. Nostra si quidem terra, quam per precariam poscit habere, in Carnotensi comitatu posita, vocatur Jeranivillare, et illud alodus quem recompensat, in Droca sensu (B.; Doreasini) comitatu super flumen Blesis, positus nominatur Palisiacus. Nostram itaque terram Jeranivillare eo tempore Gradulfo supra nominato per precariam concedimus, ut quandiu ipse advixerit, et prædicta ejus Odæ uxor utrumque teneant; post decessum vero eorum, et terra quam damus, et alodus jam nominatus, quieta et solida ad usus fratrum perveniant. Placuit iterum uero nostra conventio in duabus chartis scriberetur, quarum unam prædictus miles haberet, altera vero nobiscum remaneret. Et ut hæc notitia permaneat firma, nostra nomina assignavimus et comitis Odonis, eorumque qui huic negotio maxime interfuerunt nomina subnotavimus:

S. Fulberti episcopi.

S. Odonis comitis.

S. Magenardi abbatis.

S. Durandi decani.

S. Arnulfi.

S. Marcuini.

S. Richerii.

S. Beringerii.

S. Wadrici.

S. Letaldi.

S. Christophori.

S. Gauzberti.

S. Guinesfredi.

S. Otberti.

S. Huberti.

S. Huberti.

S. Rodberti, et cæterorum. »

Post mortem quidem Gradulfi et uxor ejus Odæ, de supradictis terris multa mala perpessi sunt monachi a parentibus prædictorum, dicentibus jure sibi competere quod parentes eorum ante se visi sunt tenere. Unde monachi, institutam pecuniam dantes, tandem, Deo opitulante, in suis usibus retorserunt.

## VITA SANCTI AUTBERTI

CAMERACENSIS EPISCOPI,

AUCTORE, UT VIDETUR, SANCTO FULBERTO.

(Apud Surium, 13 Dec.)

Digitized by Google